ЎЗБЕКИСТОН РЕСПУБЛИКАСИ НОМИДАН ХАЛ КИЛУВ КАРОРИ

Қўқон шахри

2024 йил 17 апрель

Кўкон туманлараро иктисодий суди, судья Ж.Эргашевнинг раислигида, судья ёрдамчиси Д.Маматкуловнинг суд мажлиси котиблигида, Бувайда тумани фермер, дехкон хўжаликлари ва томорка ер эгалари кенгашининг даъвогар «Нажобат» фермер хўжалиги манфаатида жавобгар Бувайда тумани «Сув етказиб бериш хизмати» давлат муассасаси билан тузилган сув истеъмоли бўйича 2022 йил 10 февралдаги хамда 2022 йил 1 декабрдаги 288-11-154-ІВ-2022-сонли шартномаларни хақиқий эмас деб топиш тўғрисидаги даъво аризаси бўйича ишни Бувайда тумани фермер, дехкон хўжаликлари ва томорқа ер эгалари кенгаши вакили А.Мирзаев, даъвогар вакили Қ.Мусаев (ишончнома асосида), жавобгар вакили С.Саттарова асосида)ларнинг иштирокида, суд биносида ўтказилган очик суд мажлисида кўриб чикиб, куйидагиларни

аниклади:

Бувайда тумани фермер, дехқон хўжаликлари ва томорқа ер эгалари кенгаши «Нажобат» фермер хўжалиги (бундан буён матнда даъвогар деб юритилади) манфаатида судга даъво аризаси билан мурожаат қилиб, Бувайда тумани «Сув етказиб бериш хизмати» давлат муассасаси (бундан буён матнда жавобгар деб юритилади) билан 2022 йил 10 февралдаги хамда 2022 йил 1 декабрдаги 288-11-154-IB-2022-сонли шартномаларни ҳақиқий эмас деб топишни сўраган.

Бувайда тумани фермер, дехкон хўжаликлари ва томорка ер эгалари кенгаши вакили суд мажлисида тушунтиришларида даъвони кувватлаб, уни каноатлантиришни сўради.

Даъвогар вакили суд мажлисида берган тушунтиришларида даъвони кувватлаб, ер майдонларига Катта Фарғона каналидан сув етказиб беришнинг имкони мавжуд бўлмасада, мавжуд коллекторга бу каналдан тўғридан-тўғри сув ташлаш мумкин бўлмасада, жавобгар бу борада нотўғри маълумотлар бериб, Катта Фарғона каналидан сув етказиб бериш ҳақида шартнома тузганлигини, кейинчалик изланишлар натижасида бу ёлғон эканлигини аниклаганлигини, ер майдонлари бошқа фойдаланувчилар фойдаланиб бўлганидан кейин зовурга ташлаган сувлар билан суғорилишини, ёз мавсумида бундай сувлар ҳам етиб келмаслигини, бунинг ҳосилга таъсири бўйича тегишли идоралар вакиллари, шу жумладан жавобгарнинг вакили иштирокида далолатнома ҳам расмийлаштирилганлигини билдириб, даъво аризасини қаноатлантиришни сўради.

Жавобгар вакили суд мажлисида даъвога нисбатан эътирозларини билдириб, даъвогар сувдан фойдаланиши натижасида бошокли дон ва пахта хосилини етиштириб келаётганлигини, Катта Фарғона каналидан сув келмасада, лекин коллектордаги сувдан фойдаланишини, сувдан фойдаланганлиги учун тўловларни тўламаганлигини билдирди.

Суд ишдаги мавжуд далилларни текшириб, ишда иштирок этувчи шахсларнинг суд мухокамасида берган тушунтиришларини тинглаб, куйидаги асосларга кўра даъвогарнинг даъво аризасини каноатлантиришни лозим топди:

аниқланишича, даъвогар ва жавобгар ўртасида сув истеъмоли тўгрисида 2022 йил 10 февраль куни шартнома тузилган.

Шунингдек, улар ўртасида сув истеъмоли бўйича 2022 йил 1 декабрь куни 288-11-154-IB-2022-сонли шартнома тузилган.

Уларга кўра, жавобгар мазкур шартномаларнинг 1-ва 2-иловаларида белгиланган микдор ва муддатларда сувни даъвогарга етказиб бериш ва сув хўжалиги хизматларини кўрсатиш, даъвогар эса шартноманинг 3- ва 4-иловаларида кўрсатилган микдорда ва белгиланган муддатларда тўловларни амалги ошириш, шартнома шартларига риоя этиш мажбуриятини олган.

Ушбу шартномалар деярли бир хил мазмунда бўлиб, фақатгина улардаги фарқ сув етказиб бериш муддатлари ва хажмларида бўлган.

Шартномаларнинг 1.2-бандларида жавобгар томонидан даъвогарга етказиб бериладиган сувнинг микдори, манбаси ва муддатлари уларнинг 1-ва 2-иловаларида келтирилиши назарда тузилган.

2022 йил 10 февраль кунги шартноманинг 1-иловасида даъвогарга 2021-2022 йилларнинг кузги-кишки мавсуми учун 368.000 м^{3,} 2022 йил 1 декабрь куни тузилган шартноманинг 1-иловасида 2022-2023 йилларнинг кузги-кишки мавсуми учун эса 344.000 м³ микдорида сув етказиб берилиши лозимлиги кўрсатилган.

Хар икки шартномаларнинг 1-иловаларида даъвогарга етказиб бериладиган сувнинг манбаси Катта Фарғона канали эканлиги қайд этилган.

Даъво аризасида Катта Фарғона каналидан даъвогарга ижарага берилган ер майдонларига сув келмаслиги жавобгарга маълум бўлсада, у алдаш ва янглишиш таъсирида даъвогар билан сув истеъмоли бўйича шартномалар тузганлиги асос қилиниб, ушбу шартномаларни ҳақиқий эмас деб топиш сўралган.

Суд даъво аризасида баён этилган ҳолатларни ҳамда тарафлар вакилларининг суд мажлисларида берган тушунтиришларни сув иншоотлари жойлашган жойга чиққан ҳолда кўздан кечирганида, даъвогарнинг ер майдонлари ҳақиқатан ҳам "Оққўрғон-Картан" туманлараро коллектори орқали сув билан таъминланиши, бу ер майдонлари бошқа иншоотлар орқали Катта Фарғона каналидан сув билан таъминланмаслиги аниқланган.

"Сирдарё-сўх ирригация тизимлари ҳавза бошқармаси ҳузуридаги мелиоратив экспедицияси"нинг 2024 йил 4 январь кунги 01/14-01-сонли ҳатида ҳайд этилишича, "Оҳҳўрғон-Қартан" туманлараро ва "Қалмоҳ-2" ҳўжаликлараро коллекторлари Бувайда ва Учкўприк туманларига ҳизмат

қилиши, улар барча ички зовурларни сизот сувларини олиб чиқиб кетувчи зовурлар эканлиги, улар ер ости сизот сувларини олиб чиқиб кетувчи коллекторлар бўлганлиги сабабли ушбу коллекторга Катта Фарғона каналидан тўғридан-тўғри сув ташланса коллекторни техник холатига салбий таъсир кўрсатиши маълум қилинган.

Шундай бўлса-да, жавобгар даъвогар билан Катта Фарғона каналидан сув етказиб бериш ҳақида шартномалар тузган.

Ўзбекистон Республикаси Фукаролик кодекси (бундан буён матнда ФК деб юритилади) 122-моддасининг биринчи қисмида жиддий аҳамиятга эга бўлган янглишиш таъсирида тузилган битим янглишиш таъсирида ҳаракат қилган тарафнинг даъвоси бўйича ҳақиқий эмас деб топлиши мумкинлиги, ушбу модданинг иккинчи қисмида битимнинг табиати, унинг нарсасининг ўз вазифаси бўйича фойдаланиш имкониятини анча пасайтирадиган ўхшашлиги ёки сифати ҳақида янглишиш жиддий аҳамиятга эгалиги белгиланган.

Ўзбекистон Республикаси Олий хўжалик суди Пленумининг "Иқтисодий судлар томонидан битимларни хақиқий эмас деб топиш тўгрисидаги фукаролик қонун хужжатлари нормаларини қўллашнинг айрим масалалари тўгрисида" 2014 йил 28 ноябрдаги 269-сонли қарори (бундан буён матнда Пленум қарори деб юритилади)нинг 13-бандида янглишиш таъсирида тузилган битим деганда, судлар тарафларнинг ҳақиқий хоҳишистагини акс эттирмайдиган, уни тузиш вақтида тарафлар назарда тутган хуқуқий оқибатларга олиб келиши мумкин бўлмаган битим эканлигини тушунишлари лозимлиги, бошқа тарафнинг айби эҳтиётсизлик шаклида ифодалангандагина, битим янглишиш таъсирида тузилган хисобланиши хақида тушунтириш берилган.

Шунингдек, Пленум қарорининг 14.1-бандида тушунтириш берилишича, алдаш деганда, бошқа шахсга ёлғон маълумотлар тақдим этиш, шунингдек битимни тузишга таъсир этувчи фактлар ҳақида сукут сақлаш йўли билан қасддан чалғитиш тушунилади. Алдаш битим элементларига нисбатан ҳам, унинг доирасидан ташқаридаги ҳолатларга ҳам, шу жумладан битимни тузиш учун аҳамиятли бўлган ҳолатларга ҳам тааллуқли бўлиши мумкин. Алдаш бир тарафнинг бошқа тарафни битим тузишга ундаш воситаси бўлганда, юридик аҳамиятга эга бўлади.

Ушбу тушунтиришлардан кўринадики, тарафлар ўртасида сув истеъмоли бўйича битимлар тузилаётганда алдаш элементлари мавжуд бўлган.

Ўзбекистон Республикаси Иктисодий процессуал кодекси (бундан буён матнда ИПК деб юритилади) 68-моддасининг биринчи кисмига кўра, ишда иштирок этувчи ҳар бир шахс ўз талаблари ва эътирозларига асос қилиб келтираётган ҳолатларни исботлаши керак.

Жавобгар Катта Фарғона каналидан даъвогарга ажратилган ер майдонларига тўғридан-тўғри сув етказиб берилиши мумкинлиги ва низодаги шартномалар асосида ҳақиқатан ҳам сув етказиб берганлиги ҳолатларини исботлаб бермади.

ИПК 118-моддасининг биринчи қисмида суд харажатлари ишда иштирок этувчи шахсларнинг қаноатлантирилган даъво талаблари микдорига мутаносиб равишда уларнинг зиммасига юклатилиши белгиланган.

Юқоридагиларга кўра, даъвогарнинг даъво аризасини қаноатлантириш, суд харажатларини жавобгар зиммасига юклаш лозим бўлади.

Ўзбекистон Республикаси Иқтисодий процессуал кодексининг 176-179моддаларига асосан, суд

КАРОР КИЛДИ:

Даъво аризаси қаноатлантирилсин.

«Нажобат» фермер хўжалиги ва Бувайда тумани «Сув етказиб бериш хизмати» давлат муассасаси ўртасида сув истеъмоли бўйича тузилган 2022 йил 10 февралдаги ҳамда 2022 йил 1 декабрдаги 288-11-154-IB-2022-сонли шартномалар ҳақиқий эмас деб топилсин.

Бувайда тумани «Сув етказиб бериш хизмати» давлат муассасасидан:

- Бюджетга 6.800.000 сўм давлат божи;
- «Нажобат» фермер хўжалиги фойдасига 34.000 сўм почта харажати ундирилсин.

Хал қилув қарори устидан шу суд орқали Фарғона вилоят судига бир ойлик муддатда апелляция, ҳал қилув қарори қонуний кучга кирган кундан олти ой ичида кассация тартибида шикоят бериш (протест келтириш) мумкин.

Раислик қилувчи

Ж.Эргашев

